


苏州潘慎明

承剛

澄候



乾隆八年重鐫

瀋陽范大司馬鑒定

後附試卷并

豫章劉廷實刪補

看批呈詞

傷寒論二註

是集久已行世邇來劉廷實先生因春溫篇多所遺蘊
復易以喻稿精警卓絕曲暢厥旨毫無剩義矣醫門之
眼目濟世之津梁端賴有此

世德堂主人識

嘉慶八年春三月置

咸豐二年九月

置

百職之所司不當皆足以害政而小人為
尤甚四時之調攝不齊皆足以害人而傷
寒為尤甚壽國者明乎小人之害政而百
務舉矣壽世者明乎傷寒之害人而百病
治矣醫自靈樞素問以後不絕如綫蓋遙
遙莫可問也至漢有張仲景者著傷寒一
經此誠直追金匱玉函之秘曠百世而相
感者也後之註解頗多皆未得其奧即王

叔和號醫中之傑編次尚多未善創之者
誠難而註之者亦未易也劉子廷實江右
之知名士也弱冠即補弟子員推其才以
拾青紫誠探囊物也忽遇異人授長生訣
遂不慕人間之富貴飄飄有御風之致以
醫濟人所至無不奏効癸巳春有三山之
遊予探其篋中多養生之書予不甚解最
後得其傷寒三註一書乃手鈔也予曰是

書也予外舅景行丁公曾為周子禹載刻
於吳下何乃矜貴若此乎劉子曰是書也
板已散佚集無完好且有以刪其冗而補
其闕也予披覽之下計其所增之法一百
二十有七所增之方五十有九可謂備矣
而復附以治疫一書以補傷寒之未逮條
分縷晰毫無剩義非僅三註實四註也然
則註之者既有四人矣而仍命之曰三註

山大川風土人情之美惡無不旁搜博覽
瞭若指掌所以恢弘學識而蕩滌胸襟者
由來久矣年強仕貢於成均即謝帖囑業
視人情之所羨而溺焉者如瓦礫塗炭吐
棄不屑而於叅同悟真之旨冥心蒐討超
然獨得間出餘蘊以試刀圭其効如響蓋
其於五行六氣生化妙理既已了然於心
故與之縱談天下之故微言清緒無非攻

療輔燹之所存固不俟辨艸木金石之性
味講烹煎咬咀之劑量而後知其為國能
也蒙莊有云嗜欲深者天機淺若劉子者
非所謂無欲而靜虛靜虛而明通者歟來
遊於閩著作盈篋其傷寒論三註一書辨
證攷方刪繁補缺真足闡張氏之精微而
廣方喻周三子所未備宜蒼巖先生之聞
絃賞音而急為表章也余素不知醫於書

之奧旨無所發明顧昔張燕公之于孟浩
然賀監之於李白柳子厚之於符載杜牧
之於李仲古徒慕其詞藻不惜委曲以成
其名視劉子不溺于俗情而有功利濟者
矐乎後矣余既嘉劉子之善全其天而尤
多先生之相尚以道也於是乎書覺羅滿
保



壬辰孟冬壁有三山之遊邂逅 大中丞蒲公晨

夕三閱片因得拜瞻 范少保忠貞公祠讀奏議

及畫壁諸編經術湛深性命蘊奧無不貫通融會

第覺凜凜節義弘猷偉烈透溢楮墨間也今茲

少司馬范公總制閩浙凡其規爲盡善克續克承後

先輝映令人忠孝之心油然而生繼得親炙夫

公之休光乃不以壁爲鴛鴦而進教之懇懃延接禮

有加焉顧壁迂拙性成學殖荒落固躋棘闥者三

十載自分無用於當世遂留心醫學以期少伸素

志而渺見寡聞於前人之藩籬未能窺其萬一

公則博覽弘通每當清讌之餘獲領緒論其闡發精

微雖國能有勿及者一日見壁手錄傷寒論三註

反覆披覽慨然曰此予外舅總制丁公所刻也習

醫者若得此書如著裘挈領舉綱提綱通之他證

迎刃而解矣惜原跋散佚海內無從購求子藏之

笥篋易若詳訂以公諸世豈不甚善壁乃踴躍受

命思夫醫之理脩於五行成於六疾道雖小而可

通於國在昔文正公有云不能爲宰相卽願爲良

醫旨哉非以天下爲己任未易有是語也今

天子恩膏廣被淪肌浹髓文德武功洋溢方外羣生沾
濡久已躋斯民而登于仁壽之域猶且視民如傷
常若有瘡痍之未盡起者豈非視天下如一家視
四海如一身也耶古邳隆之世賡歌喜起太和翔
洽而沴氣自消庶徵來備而咎徵胥化以

聖天子之建中表正萬國咸寧德洋恩溥感召休和而
公實以鹽梅舟楫之材綏服南國凡所爲裁成輔相
者卽造化之樞機亦有以制其過補其不及而是

書之復梓也適成於此日其足贊勸化理者豈淺
小而已哉壁用是潛心考核刪其繁冗存其粹精
補其闕畧間有剩義附以管見庶長沙之典教炳
如日星三家之註釋昭焉如揭而益嘆

公之繼志述事不僅篤于乃祖乃父而且及于其親
真可謂親親而仁民仁民而愛物者豈非良醫良
相之功兼而有之乎壁樛櫟庸材此行也自愧放
浪形骸蹉跎歲月然賴有此舉不虛所遊矣書成
遂拜手而誌其事西江劉宏壁

漢長沙太守張

機仲景先聖傷寒論

方有執中行

喻

昌嘉言

三先生註

周揚俊禹載

瀋陽范時崇蒼巖鑒定

山陰姜

空伯達

雲間張世鳳儀廷

吳閶范

濬深原

膠城顧佳會方侯

三韓佟

鉞秉虔

宜豐裘曰菊見山

萬寧孫用霖沛蒼

南州劉思遷子喬

秀水沈

振燮菴

宜豐裘曰蓮景濂

廣寧夏建德樹滋

鴛湖施緒齡純年

金臺劉輝禪子歷

新堂劉健爾家

西昌張芳公調

葛溪李廸懋時勉

郢中李兆鎮方州

西昌趙綽孝威仝叅訂

姪永鎮靜遠

豫章劉宏璧廷賓

剛補

男永錫于受

永銓衡掌

永鈞轉洪仝校

漢張仲景先聖傷寒論

方中行

喻嘉言 三先生註

周禹載

瀋陽范時崇蒼巖鑒定

豫章劉宏璧廷實刪補

山陰姜 塗伯達

雲間張世鳳儀廷

吳閬范 濬深原叅訂

嘐城顧佳魯方侯

會稽章泰階曼亭

山陰吳乘權楚材

魏塘郁世畿南州

會稽范昌昂德凝

三韓佟 鉞秉虔

會稽范龍驤維德

會稽沈世燦雲若較閣

凡例

一傷寒論係王叔和編次風寒混淆經府雜亂復無淺深難于分曉今特條分縷晰翻前移後刪去假托之言釐定六經之例庶使來學可循不令章句無序

一本論熟嫻則雜證可不言而喻本方攷究則立案可不惑而成譬如精于經者自明於史深于理者自通於數苟不從此入門終亦無由確見

一明六經則知傳變察病情則知歸著究虛實則知緩急夫傳變在經文病情在色診虛實在脉經留神於